



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-402-4/22**

Datum: **20.06.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Javno komunalno preduzeće“ d.o.o. Vareš za donošenje rješenja o vodnoj dozvoli za zahvatanje vode sa izvorišta „Očevlje“ a za potrebe snabdijevanja pitkom vodom potrošača na području općine Vareš, na osnovu člana 139. stav 1. tačka 1. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu „Javno komunalno preduzeće“ d.o.o. Vareš, za zahvatanje vode sa izvorišta „Očevlje“, a u svrhu snabdijevanja pitkom vodom potrošača na području općine Vareš. Ukupna izdašnost izvorišta je od 90 do 150 l/s.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.6. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.7. Da se na području vodozahvatne zone sprovode zaštitne mjere za izvorišta po „Odluci o zaštitnim zonama i zaštitnim mjerama izvorište „Očevlje“, općina Vareš; broj: 01-268/17 donesenoj 28.12.2017. godine od strane Općinskog vijeća Vareš.
3. Korisnik objekata treba da, u cilju kontrole, evidencije i plaćanja količina zahvaćene vode, vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Prava stečena po ovoj dozvoli ne mogu se prenositi na treća lica.
5. U ovoj upravnoj stvari plaćene su sve upravne pristojbe.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Pravno lice „Javno komunalno preduzeće“ d.o.o. Vareš, obratilo se ovoj Agenciji dana 09.08.2022. godine sa zahtjevom za izdavanje vodne dozvole za zahvatanje vode sa izvorišta „Očevlje“ a za potrebe snabdijevanja vodom potrošača na području općine Vareš.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda o sudskoj registraciji, broj: 043-0-RegZ-22-000884 izdatog 28.03.2022. godine od strane Općinskog suda u Zenici;
- Ovjerena kopija Rješenja o izmjenama podataka o registraciji, broj: 043-0-Reg-20-000366 izdatog 27.04.2020. godine od strane Općinskog suda u Zenici;
- Ovjerena kopija Uvjerjenja o poreskoj registraciji, izdatog 10.08.2006. godine od strane Poreze uprave – Kantonalni ured Zenica;
- Kopija Rješenja o urbanističkoj saglasnosti za izgradnju vodovoda Očevlje-Vareš, broj:04-364-209/77 izdatog 13.10.1977. godine od strane nadležnog sekretarijata opštine Vareš;
- Kopija Rješenja o odobrenju izgradnje vodovoda Očevlje-Vareš, broj:04-361-147/77 izdatog 14.10.1977. godine od strane nadležnog sekretarijata opštine Vareš;
- Kopija Rješenja o odobrenju za upotrebu vodovoda Očevlje-Vareš, broj:04-360-14/78 izdatog 28.02.1979. godine od strane nadležnog sekretarijata opštine Vareš;
- Kopija Odluke o zaštitnim zonama i zaštitnim mjerama izvorište „Očevlje“, općina Vareš; broj: 01-268/17 donesenoj 28.12.2017. godine od strane Općinskog vijeća Vareš;
- Kratak opis vodovoda Očevlja – Vareš;
- Kopija Rješenja i vodnoj dozvoli, broj: UP-I/25-3-40-245-8/17 izdatog 31.07.2017. godine od strane ove Agencije;
- Glavni projekat izmjene trase gravitacionog cjevovoda vodovoda Očevlje – Vareš, Unioninvest Sarajevo, juni 1978.godine;
- Glavni projekat prekidnih komora Milošnica i Ponikva, Unioninvest Sarajevo, juni 1978.godine;
- Dopuna glavnog projekta – crpna stanica Očevlja, Unioninvest Sarajevo, juni 1978.godine,
- Dopuna glavnog projekta – rezervoar „Vareš“ V=2x300 m³., Unioninvest Sarajevo, juni 1978.godine;
- Opći akt o održavanju, korištenju i osmatranju vodnih objekata vodovodnog sistema Vareš i Vareš Majdan sa izvorišta „Očevlje“ i izvorišta „Jarčića-Saški“;
- Izvještaji o ispitivanju vode za piće, urađeni od strane Instituta za zdravlje i sigurnost hrane, Zenica;
- Kopija uplatnice upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-402-3/21 od 15.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja potrošača na području općine Vareš, na području izvorišta Očevlja-Vareš kaptirana su dva vrela ukupne izdašnosti od 90-150 l/s.

Pumpna stanica smještena na nadmorskom visini 810 m n.m. opremljena je sa tri KSB pumpe snage 132 KW, kapaciteta 30 l/s i radnog pritiska 30 bara.

Čeličnim potisnim cjevovodom $\Phi 300$ dužine 3,3 km voda se potiskuje do rezervoara „Zvijezda“ zapremine 150 m³ na nadmorskoj visini 1108 m n.m. a zatim gravitaciono do rezervoara „Lazine“ iz kojeg se vrši snabdijevanje potrošača. Na gravitacionom cjevovodu nalaze se dvije rasteretne komore „Milošnice“ i „Kugla“. Na rasteretnoj komori „Kugla“ vrši se dezinfekcija vode za piće, direktnim ubrizgavanjem tečnog hlora u cjevovod.

Registrovani broj korisnika vodovoda je 3603 odnosno 1876 domaćinstava i 206 pravnih subjekata. Redovno se rade mikrobiološka i fizičko-hemijska analiza vode od strane Instituta za zdravlje i sigurnost hrane Zenica.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz prethodnog Rješenja o vodnoj dozvoli (broj: UP-I/25-3-40-245-8/17 od 31.07.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 08.06.2022. godine konstatovano je da podnosilac zahtjeva „Javno komunalno preduzeće“ d.o.o. Vareš redovno izmiruje svoje obaveze uplate posebnih vodnih naknada.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-402-2/22 od 05.09.2022. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „Javno komunalno preduzeće“ d.o.o. Vareš, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva „Javno komunalno preduzeće“ d.o.o. Vareš, ispunio minimum uslova za izdavanje vodne dozvole za zahvat vode sa izvorišta „Očevlje“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Vareš, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.inž.građ.

za Po ovlaštenju:

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „Javno komunalno preduzeće“ d.o.o. Vareš
Ul. Put mira br. 33, 71330 Vareš
- AVP, ISV – Vodna knjiga
- Sektor 50,
- ⊙ Sektor 40, arhiva
- oglasna ploča – AVP Sava